

# TROIANI HEROIS

AE N E AE

ITER AD ELYSIVM,

Carmen allegoricum musicis modis concinnatum,  
& dictum, dum

BENEDICTVS PAMPHILIVS

*FAVSTISSIMIS, SANCTISSIMIS & AVSPICIIS*

INNOCENTII XI. PONT. MAX.

*Philosophica, ac Theologica laurea in Romano Societatis IESV  
Collegio donaretur.*



ROMAE, Typis Francisci Tizzoni. M. DC. LXXVI.

SVPERIORVM PERMISSV.

THE  
JOURNAL  
OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 18  
PART 1  
1888



PUBLISHED BY THE  
EDUCATIONAL SOCIETY, 5, ADELPHI, LONDON, W.C.



# INNOCENTIO XL.

## PONT. MAX.

BENEDICTVS PAMPHILVS

*Felicitatem.*



**M**E A bonarum artium studia,  
meumque cum ijs animum, in-  
solemni Philosophiæ, ac Theo-  
logiæ laurea, obsequio deuotu-  
rus Ecclesiæ, vt omen ducam è  
Cælo faustissimum, Tuis, **BEATISSIME**  
**PATER**, sanctissimis pedibus humillimè  
prouolutus, enixè precor, & obsecro, vt Au-  
spicem Te mihi benignè indulgere nō abnuas,  
quem à primo ipso Tui Pontificatus exorsu,  
tanquam lætissimum, certissimumque publicæ  
felicitatis horoscopum, quicumque vel Te vi-  
det, vel de Te audit, iure, ac merito obseruat,  
suspicit, & adorat. Delectata profectò cum ma-  
ximè nuper est Diuina Sapiëntia coram Deo,

A 2

lu-

lufitq; in Orbe terrarum, fuas profefsa delicias  
efle cum filijs hominum, cum Te Purpurato-  
rum quidem Patrũ omnium fuffragijs con-  
fpiratis electum; at Regum primò, ac Principum  
concordibus ftudijs, tum etiam populi vniuerfi  
communibus, intimis, intentisque votis, ac pre-  
cibus expetitum, ad fummum iftud in terris  
faftigium, proximamque Cælo Pontificis Sum-  
mi Sedem euexit. Vnus in hoc Ipfe aduerfari  
vifus es Tibi: nec illa dumtaxat, vt fama eft,  
Chriftianæ demiffionis voce, qua deferentibus  
Tibi pronam in te Electorum voluntatem af-  
firmabas feriò, nunquam ab ijs electum iri Te,  
quem minimè omnium dignum dignitati om-  
niũ maximæ Diuinus Spiritus dari omninò  
non fineret; verùm etiam earum denunciatio-  
ne rerum, quas animo tunc verfares, præfta-  
resq; certiffimò, fi Pontifex efle electionis impe-  
rio cogereris: quæ quidem optimo Ecclefiæ re-  
fimini cæu femper maximè falutares, ita nunc  
gortaffis etiam neceffariæ, eorum animos, qui  
labentis nature deliniri fenfu, hortatuq; flecti  
fe finerent, aliò à Te poffent prorfus auertere.  
At enim Tui demum electio (confidenter di-  
cam) coacta fuit planè, non libera. Antiqua,  
enim Tua virtus tã fpectanda omnibus, quàm  
perfpecta, fuam tunc vim, quanta in ipfa fuit,  
offinẽm exeruit; ac veluti Te adegit, ad fum-  
mum iftum refugiendum honorem, ad quem  
non

non rarò alij affiduo, magnoque votorum ten-  
 dunt anhelitu; sic & Electores compulit, vt  
 eundem Tibi nunquam optanti, & vix deni-  
 que patienti deferrent. Et, quando virtutis,  
 ac morum quoddam veluti semen esse solet in  
 sanguine, Tuo in auito Insigni, tanquam in i-  
 magine, ac hieroglyphico Tuum ego animum  
 eiusque dotes Romano dignas Pontifice con-  
 templabar. Atque, Illa, dicebam, clarissimæ  
 Gentis ODESCALCHAE Aquila, eius Tuę  
 tessera mentis est, quæ non cogitationes modò  
 tam alto pares habet Imperio; verùm, quod in  
 Sacerdote Summo sanctum, adorandumque,  
 cum primis est, piarum precum vsu tam con-  
 stanti, tam longo, se se terris eripiens, Cælo in-  
 fert altissimè, penitusque figit in Deum. Leo il-  
 le magnanimus, in terrestres omnes animantes  
 dominatum gerens, eius symbolum Tuæ po-  
 testatis est, qua & appetitus naturæ omnes ha-  
 bet in Te ratio inconcussa sub fræno; & deli-  
 cias, opes, honoresque omnes, maior ijs regna-  
 tor Tuus animus regia planè generositate con-  
 temnit: quo fit, vt, documento magnanimitatis  
 excelsę, nihil aut ames, aut metuas, nisi Deum.  
 Ii demum ex graui, prudentiq; calculorū ludo  
 petiti, ac triplici candidæ fascię inclusi Signife-  
 ri, ita Te cum Diuina Sapientia docent sapien-  
 ter ludere in hoc Orbe terrarum, vt regiminis  
 Tui formâ memorandâ semper ab omnibus,  
 &

& colendâ, singulari nempe pietatē in Deum;  
 in populum studio, in Ecclesiam omnem, Or-  
 bemque vniuersum, ardore, vigiliā, carita-  
 te, cum exhibito semper, & vbique innocentie  
 candore, secuturis omnibus Christi Vicarijs;  
 explicato veluti vexillo, præcas Antesignanus  
 Tanta proinde mihi si ex Te sortiri detur au-  
 spicia, quid ego meis non possim votis ex om-  
 ni parte faustissimum polliceri? Porro, velut  
 olim Aeneas apud Virg. Aen: 6. (quod ad poë-  
 ticum carminis decantandi commentum, in  
 huius libelli fronte proposita monstrat imago)  
 Sibyllâ docente, ducentibusque Columbīs, in  
 condensō nemore aureum ramum feliciter in-  
 uenit; facileque decerptum ad piorum Ma-  
 nium Reginam, eo, quem optarat, euentu pro-  
 sperrimè deportauit; ita & ego à Sapientia  
 ex bonarum artium, ac disciplinarum exedris  
 productus, diuini Spiritus afflatu, rectoq; me-  
 mentis intuitu, geminæ veluti ductu Colum-  
 bæ, munus hoc & meorum studiorum, & obse-  
 quentis animi, Ecclesiæ Sacrorum Præfulum,  
 ac Principum Parenti, & Altrici defero, dedi-  
 coque. Neq; verò fructum hunc qualiscumq;  
 ingenij, conatusq; mei, ramum aureum appel-  
 lare verebor, si benignè Tu illū, BEATISS.  
 PATER, admiseris; cuius vno non dicam  
 potentissimarum attactu manuum, sed sanctif-  
 simorum coniectu oculorum, omni auro, gemi-  
 mis-

misque pretiosior ideo statim fiet, quia, quem-  
admodum vices imples, quas geris, sic etiam  
spiritu, ac virtute plenus es Dei. Utinam de-  
nique sempiternus ille temporum Moderator,  
& Autor, qui Te optantibus, rogantibusque  
nobis, summo suæ in nos benivolentiæ argu-  
mento, in isto Pontificiæ dignitatis culmine  
fruendum dedit; in eodem Te quàm diutissi-  
mè incolumem semper, vegetumque conser-  
uet; vt, quemadmodum in Cælo perpetua sunt  
gaudia Beatorum, sic & lætissimum hoc Tui  
donum à Deo nobis annuente concessum, non  
ista tua solùm & virtute excelsa, & maiestate  
Deo proxima, sed in ipsa etiam Tuæ vitæ diu-  
turnitate, Caput Mundi Roma, & omnis cum  
Roma Mundus sentiat planè, & gaudeat esse  
cæleste.



LE-



*Decantatum apud omnes est Troiani Herois Aenea iter ad Elysum, à Virgilio Aeneidos libro 6. non eleganter minus, quam accuratè descriptum. Cumana Sibylla usus ille consilijs, dum in condenso nemore aureum vestigat ramū, munus Proserpinae deferendum, auspicio geminae Columbae, maternarum scilicet animi aduolatu, quas sibi duces ipse poposcit, & ramum feliciter inuenit, & facillè decerptum ad piorum Manium Regiam, eo, quem optarat, euentu lætissimè deportauit. Inde in beatos Heroum campos admissus, à suo Genitore Anchise, cuius visendi gratiā illud iter ipse susceperat, ex animarum ad Lethæi fluminis ripam concurrentium aspectu, seriem doctus est suorum Posterorum inclysam, & angustam; originem nempe Romanæ Gentis, & Imperij Romanorum.*

*Ex hac fabula petita est allegoria ad carmen in Philosophica, & Theologica laurea D. Benedicti Pamphilij decantandum: à quo, per hunc ipsum honorem in Romano Collegio solemnī pompa sibi collatum, sua studia Ecclesiæ sunt deuota. Precipuas igitur allegoria partes in hunc modum interpretaberis. In Cumana Sibylla, celestem Sapientiam, in Proserpina, Ecclesiam, in Elysij Heroibus, Ecclesiasticos Proceres, in aureo ramo, deuota studia, in Aenea, deuonentem ipsum, in gemina columba-mentem eiusdem ingenuam, & diuini Spiritus afflatum commodè recognosces. Cætera ad eandem similitudinis normam benenola tue prudentiæ, candidoque ingenio referenda reliquimus.*

*Aurum interim (ut cum hoc feri) seruituri delicijs, latinorum carminum metro Italici etiam rhythmī simili vocum sono cadentis leporem subinde periuicundum, & ad musicos modos, multiplici adiecimus varietate percommodum. Veniam dabit antiquitas, si nouitatem hanc in ipsius latinitatem inuehimus, quando & ipsa, ut credi fas est, si reuiniſcere, eumque posses agitare nobiscum, non illibenter, candore suo retento, hunc etiam ornatum assumeret, ut Genio temporis humaniter deferuires.*

*Imprimatur,*  
Si videbitur Reuerendiss. P. Magist. Sac. Pal. Apost.

*I. de Ang. Archiep. Urbini. Vicefg.*

*Imprimatur.*  
Fr. Raimundus Capisuccus Sac. Pal. Apost. Magist. Ord. Præd.



# MELOS PRIMVM.<sup>7.</sup>

Aeneæ ad stygiam Charontis ripam  
accessus.

Aeneas. Sibylla. Chorus militum Troianorum. Charon. Chorus  
Ymbrarum feralium. Chorus Manium feliciū.

*Symphonia flantium cum fragore Ventorum.*

*Aen.*

*Sib.*

*Aen.*

*Sib.*



Ilete venti.

Auræ filete.

Nemorisque vos opaci,  
Leuis, ò caterua, frondes:

Fluuioque vos fugaci,  
Celer ò propago, fontes:

*Aen.* Stridula sibila,

*Sib.* Garrula murmura,

*Aen.* Pellite ramis,

*Sib.* Mergite riuus.

*Aen.* Per aperta siue flando;

*Sib.* Per operta siue flendo;

*Aen.* Trepitando nil citate;

*Sib.* Fluitando nil mouete:

*Ambo.* O venti, ò frondes, vndæ, auræ, filete.

*Omnes.* O venti, ò frondes, vndæ, auræ, filete.

*Echo.* Silete, filete.

*Symphonia. Iterum Venti fremunt.*

*Cho: mil.* O leues cateruæ,

O venti procaces;

O vndæ loquaces,

O auræ proteruæ;

Ciere syluam parcite flatibus;

Turbare callem mittite fletibus.

*Sib.* Elyfios in agros

Nutu Aeneas pergit Olympi.

*Aen.*

*Aen.* Ne, latratu qui trifauci  
 Stagna personat Cocytia,  
 Tollat iras, & fremente  
 Cœpta turbet ore Cerberus;  
 Servare vestris discite Manibus,  
 Et grata vestris discite mœnibus.  
 Letho nata silentia,  
 Lethe nota silentia;  
 Natha letho, nota Lethe,  
 O venti, ò frondes, vndæ, auræ, filete.  
*Omnes.* O venti, ò frondes, vndæ, auræ, filete.  
*Echo.* Silete, filete:

*Symphonia ad Cerberi latratum.*

*Charon.* Triceps fatelles Orci  
 Cerberus insolito baubatur more: quid iras  
 Asperat impatiens, & terga dracone flagellat?

*Symph. Iterum latrat Cerberus.*

*Char.* Quid instat? aut quid obstat?  
 Quid horret? aut quid arcet  
 Triguttur obstinatis  
 Latratibus molossus?

*Symphonia eadem.*

*Char.* Vadentum strepitus audio militum,  
 Fulgentum radios conspicio ensium.  
 Turbo grauis, turba ferox  
 Tumulata nocte regna,  
 Erebrigue vexat arua,  
 Spreta Charontis, Cerberique larua?

*Symphonia eadem.*

*Char.* Quicumque es hominum, miles, aut ductor, loca  
 Qui per profunda carpis armatus viam,  
 Remea, repeda, celera, propera;  
 Refer audacem, mora nulla pedem:

*Vivis*

Viuis non licet hanc adire sedem .

*Aen.* Licet ætherio femine genito ;

Licet assensu Sortis eunti ;

Licet audenti, licet ire mihi .

Obsequium vel spontè, Charon, concede carinæ ;

Hæc sibi vel facient arma, manusque viam .

Ad arma, ad arma, milites ad arma .

*Cho. mil.* Ad arma, ad arma, ad arma .

*Symphonia bellica.*

*Char.* Quis nouus Alcides, quis Theseus, Pirithousue

Improbis insultat ripæque, ratique Charontis ?

Vim quoque vim nobis audax, & bella minatur ?

*Symphonia concitata terrificæ.*

*Char.* Properate, noctis Vmbræ ;

Celerate, castra Ditis ;

Luctus, Ira, Cura, Pœna,

Spectra, Laruæ, Monstra, Diræ ;

Tristis anguibus Mægera,

Et flagello trux Enyo ;

Erebique mille pestes ;

Tænarique mille mortes ;

Impete, turbine,

Fulgure fulmine,

Verbere, vulnere, sanguine, funere,

Cohibete vires,

Prohibete viros .

*Symphonia eadem .*

*Cho. Vmb. fer.* Luctus, Ira, Cura, Pœna,

Spectra, Laruæ, Monstra, Diræ,

Tristis anguibus Mægera,

Et flagello trux Enyo,

Erebique mille pestes,

Tænarique mille mortes,

Impete, turbine,

Ful-

Fulgure, fulmine,  
 Verbere, vulnere, sanguine, funere ;  
 Agmina flammati ruimus Phlegetontis in arma .

*Symphonia bellica .*

*Cho mil.* Stringite ferrum .  
*Cho. vmb.* Prendite tedas .  
*Cho. mil.* Mittite tela .  
*Cho. vmb.* Spargite flammās .  
*Cho. mil.* Pellite Furias .  
*Cho. vmb.* Cedite fures .  
*Cho. vmb.* O tetra cohors, vulgus amarum !  
*Cho. vmb.* O dira phalanx, agmen auarum !  
*Cho. mil.* Cedo locum, cedo viam .  
*Cho. vmb.* Refer, age, citò pedem .  
*Cho. mil.* Aeneæ licet hanc adire sedem .  
*Cho. vmb.* Viuis non licet hanc adire sedem .

*Symphonia bellica furialis .*

*Sib.* Magnanime Aenea, quid inanes percutis vmbas ?  
 Irrita per vacuum conseris arma manu .  
 Nec suus est sanguis, nec sunt sua corpora laruis :  
 Aëre conflatum lumina fallit opus .  
 Quin magis aggredimur diâis mollire Charontem ?  
 Sæpè mouent rigidos mollia verba senes .

*Symphonia dulcis.*

*Aen.* Atra te per antra luci ;  
*Sib.* Pigra te per stagna ripæ ;  
*Aen.* Gracilemque per carinam ;  
*Sib.* Viridemque per senectam ;  
*Aen.* Perque mentis robur acre ;  
*Sib.* Perque menti pondus atrum ;  
*Ambo.* Oro, stygiæ portitor vndæ,  
 Iram corde remitte,  
 Et suspicari vim, dolosue mitte .  
*Char.* Nec supplices rogatus ,

Nec

Nec ora blanda molliunt Charontem .  
 Abeſte faſtu , fraudibuſque pleni ,  
 Verba non dantur ſeni .

*Sib.* Deſine tandem , deſine , Senior ,  
 Seù damna Ditiſ aulæ ,  
 Seù bella Tænari timere Ciuibus :

*Char.* At tu remitte frontem ,  
 Vanosque omitte ſtatus ,  
 Audax , mihi que acerbe ,  
 Criſtate Dux , ſuperbe :  
 Age , fare , quid hinc petiſ armatuſ ?

*Sib.* Auro en rutilum ſuſpice ramum .  
 Tros Anchiaſiades , Germen Olympicum ,  
 Acneas , ſoboliſ gloria Dardanæ ,  
 Maternæ volucris , geminæ ductu  
 Nempe Columbæ , ſponte ſequacem  
 Hunc modò diuite carpiſit ab arbore .

*Aen.* Satiſ hoc : at hoc abundè ;  
 Iunoni fero munuſ hoc profundæ ,  
 Nunc age , rumpe moram ,  
 Aduerte promptam littorique proram :

*Symphonia dulciſ, & pacata.*

*Char.* O poſt tempora longa reuiſi  
 Rutili dulciſ gratia rami !  
 Veneror Dominæ diueſ auernæ ,  
 Pronuſque ſacrum munuſ adoro .  
 Procul hinc furuæ , procul ò Laruæ :  
 Huc huc hilareſ currite Maneſ .  
 Sumite feſtaſ , ſumite voceſ ;  
 Et ſua rumpat lingua ſilentia .  
 Dicite mecum , dicite læti ,  
 Io , præan , ter io , præan .

*Symphonia hilaris, & exultans.*

*Cho. Man. ſel.* Hilarē tecum , dicimur , io ;  
 Io , præan , ter io , præan .

Pfallite, ludite, plaudite, dicite,  
 O mage pulchro pulchra corallo  
 Rutilo radians virga metallo !  
 Dicimus hilares, dicimus omnes  
 Io, pæan, ter io, pæan.

*Symphonia eadem.*

*Cbar.* Inscende, ò còlumen Troianæ gentis ; Olympi  
 Inscende, ò Sòboles digna Parente, ratem .  
*Cernis*, vt ethesiæ dulces, zephyrique tepentes .  
 Ad tua vota valent, ad mea vela volant ?  
*Stryx* quoque mœsta suo manans, & segnis ab ortu  
 Sumere nunc alacres gaudia iussit aquas :  
*Iam* mea fessa licet vix cymba sit utilis æuo,  
 Non premet hanc pondus, sed feret amne tuum .

*Symphonia eadem*

*Aen. Sib.* Euge, triumphe, io : io, pæan, euge, triumphe !  
 Omne læto, sidere fausto,  
 Alite dextro, Dite sequestro,  
 Amne tuto nauigemus,  
 Fauonijſque, aurisque vela demus .  
*Omn.* Euge, triumphe io : io, pæan, euge, triumphe !

*Symphonia eadem.*

*Clo. Man. fel.* O flaminis boni,  
 Huc agò Fauoni .  
 O dulces, ò gratæ  
 Huc auræ spirate :  
 Vos, & ò inanes,  
 Per prata vagantes,  
 Adeste lætantes,  
 Et plaudite Manes .  
 Veloces intenti,  
 Venite Manes, & volate venti :

*Omn.* Euge, triumphe, io : io, pæan, euge triumphe .  
 Pfallite, ludite, plaudite, dicite ;

Euge

Euge triumphe, io: io pæan, euge, triumphe.

*Symphonia eadem.*

*Duo ex cho.man.* Heros aureus ramum aurantem  
Defert Hecate dona triformi:  
Surge Charon, & Cerbere dormi;  
Læta Virum fer puppis ouantem.

*Symphonia adplausum.*

*Cho.Man.* O benè dictum ! ò factum benè !  
Heros aureus ramum aurantem  
Defert Hecate dona triformi ;  
Surge Charon, & Cerbere dormi;  
Læta Virum fer puppis ouantem.  
O benè dictum ! ò factum benè.

*Symphonia eadem.*

*Omn.* O benè dictum ! ò factum benè.



<sup>14</sup> MELOS SECVNDVM.

Aeneæ ad Regiam Proserpinæ aulam  
ingressus.

Fama. Proserpina. Aeneas. Sibylla. Chorus Proserpinæ.  
Chorus plaudentium.

*Symphonia tubarum.*

*Tres ex  
cho. plau.*



D aulam, ad aulam, ad aulam.  
Fama recentis conscia gaudij,  
Claro canoræ murmuræ buccinæ,  
Adesse magnum nunciat Hospitem.  
Ad aulam, ad aulam, ad aulam.

*Iterum tuba clangit.*

*Tres alij ex eod. cho.* Auditis ? iucundæ  
Sunt notæ, sunt festæ:  
Ad aulam profundæ  
Iunonis adeste.  
Nunc faue, nunc ferue,  
Decora pompa nobilis cateruæ.

*Iterat tuba clangorem.*

*Alj tres.* Tuba concinuit, tuba conticuit.  
Procul mora; vocat hora;  
Ite celeres, ite rapidi,  
Cogite lectos, cogite cœtus.  
Puberumque candidatos,  
Procerumque laureatos,  
Heroumque, Principumque,  
Meritisque, purpuraque  
Emicantes, eminentes,  
Quos decora Virtus euehit,  
Quos canora Fama prouehit,  
Quos honorat, quos coronat,

Lu-



Luce, stellis, sole, gloria.  
Ad aulam, ad aulam, ad aulam.

*Symphonia festiue iucunda.*

*Fama.* Troum columen Deus Aeneam  
Eubœis huc misit ab oris:  
Defert Hecate munus honoris;  
Ite stygiam cingere Deam.  
Innubi fronte lætus  
Diem serenat Sol, adeste cœtus:

*Symphonia eadem.*

*Cho. Prof.* Hilares, alacres, agmine denso,  
Auidi, celeres, ordine longo,  
Adsumus omnes; adsumus, adsumus;  
Quò tuba læta vocat  
Elysiæ Dominæ factura caterua coronam.

1. Hic adstat Meritum.
2. Hic Honor assidet.
3. Hic Fulgor ingeni.
4. Cultus hic Palladis.
5. Amorque recti candidus;
6. Horrorque culpæ pallidus;
7. Et Martis Ardor impiger;
8. Triumphus & victoriæ.

*Quatuor, &c.* Et centum niueo Genij candore decentes,  
Milleque nobilium radiantia nomina laudum  
Circumstant folio, Diua profunda, tuo.

*Symphonia eadem:*

*Prof.* Pompæ emicantis, eminentis, inclytæ  
Apparet ordo perfrequens: decet, placet.  
Accedat Hospes; Regia alloquio vacat.

*Symphonia suauiter grauis.*

*Aen.* Regni triformis Arbitra,  
Mundo verenda triplici,

Cælo, soloque, & tartaro,  
 Regina salue. Pedibus aduoluor tuis,  
 Tibique hunc, pretium mei  
 Conatusque pij, fortunatique laboris  
 Auro comantis arboris ramum fero.

Si fulgidus doni  
 Arridet hic flos,  
 Proserpinæ boni  
 Sint vultus in nos.

Nil triste, nil graue,  
 Nil asperum moue;  
 Auspicijs faue,  
 Amplexibus foue.

Quod annuit Fatum,  
 Hoc vnum auemus;  
 Elysijs beatum  
 Lustrare da nemus :  
 Clementia Diuæ  
 Munus roganti donet hoc, & viuæ.

*Symphonia ad plausum.*

*Pros.* Vnde tibi genus est, Hospes? quæ te aura profudit ?  
 Namque tuis multum moribus instar inest.  
*Carpere* nec rutilum quisquam valet arbore ramum,  
 Hoc nisi cui Virtus præstat, amorque Iouis.  
*Et stygios innare lacus, remeareque ad auras,*  
 Hactenus hoc vni Dijs potuere sati.  
*Munere iam carpto, stygias cum viceris vndas,*  
 Qua gestum forte, aut vi sit vtrumq; doce.  
*Sib.* Aduena Phrygius, Troius Heros  
 Ab Ioue stirpem ducit Olympicam.  
 Ergo profundi te quoque Regni  
 Dominam claro sanguine tangit.  
 Solemque tecum, milleque tangit  
 Numina Cæli, lumina Mundi.

*Symphonia ad plausum.**Cho. plaud.* Euge cantus, euge plausus:

Date sonos, date melos.

Age læta da canorem,

Gaudiumque, Fama, funde;

Aulæ &amp; Hospitis profundæ

Prome laudes, dic honorem.

Age, Fama, fulgurenti

Ex Olympi stirpe cretum,

Sedis imæ per viretum

Aere cane, &amp; ore ouanti.

Tolle plausu, tolle gloria,

Clangore festo perfonet victoria.

*Symphonia tubarum.**Aen.* Hæc tua, quam nosti, Phœbi, Triviæque Sacerdos

Per nemus obscuræ dux fuit ipsa via.

Dumque oculis altè ramum vestigò, Columbæ

Apparent geminæ: nosco Parentis aues.

Deueneror Numen, Genitricis &amp; omine lætus,

ESTE DVCES, supplex oro; fuere duces.

Namque mihi ad ramum facili præiere volatu;

Virga fuit tactus sponte secuta meos.

O Regina beatis in oris

Viuum iubar Heroum, &amp; Dux;

Cui diuini maiestas hæc oris,

Cui tam pulchra non grata sit lux?

Si me Iuppiter æquus amauit;

Tui amore sic prosperat me;

Mihi virga tam læta si fauit,

Læta venit, quòd venit ad te.

*Symphonia ad plausum.**Prof.* O Gentis Phrygiæ

Lumenque, &amp; columen!

O Matris inclytæ  
 Par Cælo soboles !  
 O fulgor aurei  
 Ter blande muneris !  
 O quæ te protulit  
 Planta beatior !  
 Vt luce recreas  
 Pallente lumina !  
 Vt dulci vulneras  
 Decore pectora !  
 Sic est: Olympi veros  
 Natales auri virgâ probat Heros.

*Symphonia eadem.*

*Cho. plaud.* Enge cantus, euge plausus,  
 Date sonos, date melos.  
 Age, Fama, fulguranti  
 Ex Olympi stirpe cretum  
 Sedis imæ per viretum  
 Aere cane, & ore ouanti.  
 Tolle plausu, tolle gloriâ,  
 Clangore festo perfonet Victoria.

*Symphonia tubarum.*

*Prof.* Nunc agite, ô proceres;  
 Consulite in medium:  
 Heroumne videtur  
 Aduena concilio dignus, & Elyfio ?

1. *Ex cho.* Censeo sic Meritum.
2. Censeo sic & Honos.
3. Affirmo Fulgor ingeni :
4. Confirmo Cultus Palladis.
5. Horror criminis approbo:
6. Virtutis Ardor comprobo.
7. Vigor Gradiui assentio:
8. Triumphus & victoriæ consentio.

*Quatuor.* Et centum niueo Genij simul ore decentes,

*Alj 4.* Milleque nobilium simul inclyta nomina laudum

*Octo simul.* Troianum Procerem, Germen Olympicum,

Concilio Heroum, sedibus Elysijs

Dignum probamus omnes,

Omnes probamus, approbamus omnes :

*Cbori omnes.* Omnes probamus, approbamus omnes.

*Symphonia ad plausum.*

*Prof.* Vade iam, procede lætus ,

Dulce Olympi germen, Hospes:

Ad beata Regna sospes,

Heroumque perge cœtus.

Vade Dux, lux vade Troum,

Dignus sedibus es, & cœtu Heroum.

*Cbo. plaud.* Vade dux, lux vade Troum,

Dignus sedibus es, & cœtu Heroum.

*Symphonia ad plauum.*

*Cbo. omn.* Date cantus, date plausus

Date sonos, date melos.

Age, Fama, fulguranti

Ex Olympi stirpe cœtum

Sedis imæ per viretum

Acre cane, & ore ouanti.

Tolle plausu, tolle gloriâ;

Clangore festo personet Victoriâ:

*Symphonia plaudentium.*



# MELOSTERTIVM.

Aeneæ ad Elysios Heroum campos  
admissio.

Aeneas. Anchises. Sibyllæ quatuor. 1. Cumæa. 2. Erythræa. 3. Delphica. 4. Hellepontica. Chorus Heroum.

*Symphonia latissima.*

*Cho.*

*Her.*



Audia, gaudia, currite gaudia:  
Vuida, viuida, candida, splendida,  
Roscida, dulcia, mollia, mellea,  
Innate plenis largiter alueis;  
Vndate crebris iugiter imbribus;  
Fluite, pluite; ruite gaudia.

*Duo ex cho.* Quam læta latè regna tendunt Elysi,  
Proserpinæque fulget aula nobilis;  
Quà sospitatis spirat aura diues,  
Ite, & beatos recreate Ciues.

*Symphonia ead. m.*

*Alij duo.* Ad lota lacte flumina  
Cycnæa plaude vox:  
Ad læta Solis lumina  
Coniunge & astra, nox.

*Symphonia similis.*

*Alij duo.* Mœroris atri nubila,  
Phœbæa pelle fax:  
Rifuque mixta iubila,  
Serena funde Pax.

*Symphonia similis.*

*Alij duo.* Huc impluat tenerrimus,  
Et spargat arua ros:  
Hic germinet pulcherrimus,

Pin-

Pingatque rura flos.

*Symphonia similis.*

*Alij duo.* Crispante blanda vortice  
Hic semper aura flet;  
Omni que planta è cortice  
Liquata mella det.

*Symphonia similis.*

*Varij ex cho.* O frontis niuæ læta serenitas !  
O vultus rosei dulcis amœnitas !  
O vena puri gaudij felicitas !  
O pacis imber aureæ beatitas !  
*Omn.* Heroes honori,  
Manesque decori,  
Quàm læta latè regna tendunt Elysi,  
Proserpinæque fulget aula nobilis,  
Quà fospitatis spirat aura diues,  
Florecte semper, & vigete Ciues.

*Symphonia exultans.*

*Aen.* Quàm læta, quàm serena  
Quàm fulget Elysi beata lux !  
*Sib. Cum.* Quàm culta, quàmque plena  
Amore dulci complet arua frux !  
*Aen.* At Genitor, cernis? Genitor venit obuius: ò! ò!  
*Ancb.* O Nate, Nate dulcis !  
*Aen.* O dulcis Parens !  
*Ancb.* Exoptata diu tua denique conspicio ora !  
*Aen.* Et mihi cara, Parens, tua se nunc monstrat imago !  
*Ancb.* O magnis defuncte foli, pelagiq; periclis!  
Ast alij te, Nate, manent, alijque labores:  
Longior & rerum mixtis ambagibus ordo.  
Macte animis: paruo non fama, & regna parantur;  
Et iuuat augustis laudes extendere factis.  
Iuppiter Italiam tibi destinat: Alba receptum  
Attollet folio lulum: longa inde nepotum

Re-

Regnantum series, virtute insignis, & armis  
 Terrasque, & populos titulis adiunget Auorum.  
 Donec, io, proprio dictam qui nomine Romam  
 Construat, auspicio victor, de sanguine surgat  
 Assaraci, soboles par, & par gloria Martis.  
 Quæ postquam emeritum terris, & fortiùs Vrbe,  
 Hostibus edomitis, iam stante, receperit æther,  
 Pompilius, Numa Pompilius, pietate sequetur,  
 Legibus, & sacris, & maiestate verendus;  
 Pontificum Princeps, idemq; facerrimus autor.

Sed noua quæ species alio se se ordine pandit?  
 Quæ forma Imperij maior? quæ tanta potestas  
 Cæloque, & terris, & sedibus imperat imis?  
 Lingua nec effari, nec lumina cernere tantum  
 Nostra queunt: afflata Deo vos pectora, castæ  
 Vos acie meliore seni succurite Vates.

*Symphonia suavis:*

*Sib. Erythr.* Venient annis secula seris,  
 Lapsusque Polo Deus, occulto  
 Viset amatas Numine terras.  
 Crimine pulso noua se referet  
 Candida roseo Gratia vultu:  
 Verique sacrum, solidumque iubar  
 Numina, & aras, fumumque Deum,  
 Somnia pulsus exiget vmbris.

*Symphonia leta.*

*Sib Delph.* Inde celsior potestas,  
 Sanctiorque surget Imperi,  
 Quam vereri pertimenda  
 Tunc amabunt sceptræ Cæsarum.  
 Illa terris, illa Cælo,  
 Illa ponet iura tartaro:  
 Triplicique texta seroto  
 Cinget illi gemma verticem.

*Sym-*



*Symphonia gravis.*

*Sib. Hellesp.* Leges, & sacra Romuli  
 Præstans auspicijs iam Numa proferat:  
 Vincet relligiosus  
 Numen PAMPHILIVM Pompilium Numam.  
 INNOCENTIVS hic erit,  
 Quem Mundo Solium præficient Petri:  
 Quem librâ & gladio Themis  
 Iustum sidereis orbibus inferet.

*Symphonia hilaris.*

*Tres simul:* Age chelys, age tuba,  
 Cie sonos, cie modos:  
 Modulatos cie sonos,  
 Generosos cie modos.  
 Date cantus, date plausus;  
 Cantibusque, plaufibusque  
 In altra ferte nomen INNOCENTII.  
*Omn.* Date cantus, date plausus:  
 Cantibusque, plaufibusque  
 In astra ferte nomen INNOCENTII.

*Symphonia eadem.*

*Sib. Erythr.* Imperi quondam sacra Vatican  
 Sceptra cum iustæ reget arte dextræ,  
 Quantus hic tanget Sapientis altâ  
 Laude Nepotem!  
*Sib. Delph.* Gloriæ pulchræ cupido sagacis  
 Ingeni viuos stimulat ignes.  
 Nobiles ingens animos in altum  
 Tollit imago.  
*Sib. Hellesp.* Calculis, io, niucis probato  
 Gymnadis magnæ, redimire quanto  
 Palladis plausu volet vtriusque  
 Laurea frontem!

Gloriæ

24  
Gloriæ quantum iubar, & sereni  
Gaudij sparget super INNOCENTIS  
Tunc ODESCALCHI liquido canendum  
Murmure nomen!

*Tres simul.* Age chelys, age tuba;  
Cie sonos, cie modos.  
Modulatos cie sonos,  
Generosos cie modos.  
Date cantus, date plausus;  
Cantibusque, plausibusque  
Cælo Nepotem tollite INNOCENTII.

*Symphonia exultans.*

*Omn.* Date cantus, date plausus;  
Cantibusque, plausibusque  
Cælo Nepotem tollite INNOCENTII.

*Symphonia eadem.*

*Sib. Erythr.* Maiore sed torrente lucis Numina  
Augustiora fulgurant.  
Procedit vlnis explicatis obuia  
Matrona Sponsa Numinis:  
Virtutibusque cincta, nempe Cælitum  
Choro, & corona nobili,  
Doctum Mineruæ læta munus excipit;  
Sed deferentem lætior.  
Illæ sed & cælestibus superbiam  
Sumpserè pulchram Cuiibus.  
Sedisque secum Vaticanæ Principum,  
Queis aut origo sanguinis;  
Affinitasque fulgur auget Pamphili;  
Vultus verendos deferunt;  
Vt quæque sacro grata Virtus altiùs  
Cuiusque sedit pectore.

*Symphonia eadem.*

*Sib. Delph.* Mundi *PAMPHILIVM*, *ALDOBRANDINVM* *QVE*  
Parentes

Iustitia hunc Cælo sustulit, hunc Pietas.

Dat *BARBERINO* pretium Sapientia : pondus

Adiungit Clemens Diua *LODOISIO*.

*Sib. Hell.* Munificæ largus *BVRGHESIVS* occupat vlnas ;

*CHISIVS* integræ fulget ab ore Deæ .

Laudibus inuigilat Vigilantia *FACHENETTI*;

Magnaq; fert magnum pectore Diua *CIBO* .

*Sib. Erythr.* *FARNESIO* speculum Prudentia donat : *HONORI*,

Teque suo Probitas ore, *SABELLE*, probat .

*NICOLEI VRSINI* Maiestas inclyta vultum ,

Cor *BONCOMPAGNI* Mater Amoris amat.

*Symphonia ad plausum.*

*Anch.* O tunc superba Troum,

Et præpotens propago !

O diues, & ter inclyta,

O lumen Orbis Vrbs, beata Roma !

Hoc, Nate, sub profunda

Memor reponementes :

Imple futura cor, sinisque laude,

Laboribusque gaude.

*Sib. Cum.* Duris vigescit alma

Virtus, instar oliuæ:

Laudisque celsæ, gloriæque viuæ

Sudore crescit irrigante palma.

Procede, Tros Gradiue,

Laboris ad seuera tende castra;

Molle non iter est eunti in astra.

*Aen.* Nec me soli tumultus,

Nec me soli procellæ,

Cæli minaxque vultus

Comantis igne stellæ

Strauere vel terroribus,

Fre-

Fregere vel laboribus.  
 Virtutis ære tectus  
 Sortis armatum gero in arma pectus.

*Symphonia ad plausum.*

*Sib. Cum.* Scena Cælum, scenatellus,  
 Scena Mundus omnis est.  
 Scena Mundus est laboris,  
 Ludit actor ipse fabulam.  
 Veritatis at seueram,  
 Clara virtus vnde fulgurat,  
 Ipse gestis, gestibusque  
 Expolitis, elegantibus  
 Eruditus efficaci  
 Ludit actor arte fabulam.  
 Scena Cælum, scena tellus,  
 Scena Mundus omnis est.  
 Surgit ingens, & superbo  
 Fulcit Atlas astra vertice;  
 Mole tanta sed minorem,  
 ( Dum laborat aula Cælitum )  
 Sponte subleuat torosus,  
 Et lacertis amplius Hercules.  
 Collaborat, & nouercam  
 Coniugem Tonantis asperam,  
 Arduique tunc prementem  
 Aetheris conuexa sustinet.  
 Scena Cælum scena tellus,  
 Scena Mundus omnis est.  
 Ille cunis iam vir infans,  
 Maior omni & hoste tantulus,  
 In minaces tortuosus  
 Surgit hydros acer orbibus :  
 Et vibrantium trifulca  
 Stringit, eliditque guttura.  
 Quot cruentis inde monstros,  
 Quot malignis inde pestibus

Ex-

Expiauit arua, & vrbes,  
 Stagna, montes, lustra, & aëra;  
 Donec ætheris merentem  
 Sedibus se victor intulit !  
 Scena Cælum, scena tellus,  
 Scena Mundus omnis est.  
 Inter astra si refulges  
 Castor, & Gemelle Castoris;  
 Cælitumque si beatis  
 Diue mensis Liber accubas;  
 Post coactos præferocem  
 Mitigare equos superbiam;  
 Post palæstram, fortiumque  
 Fracta pulsu membra cæstum;  
 Post & omni ab Orbe raptas  
 Mille palmas, mille laureas,  
 Hoc rependit æqua vestris  
 Præmium Virtus laboribus.  
 Scena Cælum, scena tellus,  
 Scena Mundus omnis est.  
 Ipse Iuppiter timendum  
 Vrbe in omni, & Orbe gentibus,  
 Regibusque quando ab alta  
 Se probauit arce siderum ?  
 Sæua nempe post Gigantum  
 Gesta forti Marte prælia :  
 Cùm trifulco perduelles  
 Fulminatos igne perculit:  
 Montiumque sub ruina  
 Cum scelestis crimen obruit:  
 De serena tunc quietus  
 Imperauit arce Iuppiter.  
 Scena Cælum, scena tellus,  
 Scena Mundus omnis est.  
*Anch.* Accipe, Nate, pię præfagia sancta Sibyllę.  
 Fortiùs, exemplis qui monet, ille mouet.  
 Sic, vbi te Virtus, Meritumq; probauerit Orbi,

Et

Et tibi, Nate Deà, Iuppiter astra dabit.

*Cbo. Her.* Gaudia, gaudia, cùrrite gaudia,

Vuida, viuida, candida, splendida,

Roscida, dulcia, mollia, mellea,

Innate plenis largiter alucis,

Vndate crebris iugiter imbris.

Troi Anchisiade, germini Olympico

Herois olim digna laboribus

Donabit æquus sidera Iuppiter.

*Sen.* Aere, Fama, nunc canoro

Per Elysi beata funde castra,

Ardua sublimis scandit labor vnus in astra.

*Omn.* Ardua sublimis scandit labor vnus in astra.



# P L A V S V S

In fine.

*Omn.*



Ge chelys, age lyra,  
Cie sonos, cie modos:  
Modulatos cie sonos,  
Generosos cie modos.

Aere, Fama, nunc canoro

Per Elysi beata funde castra,

Ardua sublimis scandit labor vnus in astra.

